

地 250.89
1274
部三 124

正德袁州府志

天一閣藏明代方志選刊

袁州府志

一九六三年十月上海古籍

書店據寧波天一閣藏明正

德刻本景印原書版框高二

一·五公分寬一四·八公分

袁州府志序

夫府志者志一府土地所談之
事古今已往之迹以布今傳後
而輔於有政者也袁舊有志亦
有續編舊志失之繁續編失之
畧况歷年既久其間不免有脫

袁州府志前序

一

誤殘闕之弊讀者病焉成化初
郡守永平劉君懋銳意脩述爰
命文學司訓陳定損益成集刊
存迄今餘四十年矣而弊復如
昔弘治末郡守川東朱君華毅
然以重脩為已任迺命文學司



訓劉案搜葺編摩百凡仍裁決
於朱稿僅成會朱以憂去遂已
繼朱而守者乃慈溪姚君汀爲
比至適太史嚴君嵩在告家居
姚乃走書鈴岡以志事為懇而
以郡生歐陽誠輔之未幾姚又

以事去志亦弗克就緒嗚呼事
之成其難如此其亦有待也哉
正德癸酉冬武邑徐君璉繼守
於茲君蓋剛果明決焉者一自
下車宿弊剗而百廢舉因訪郡
闕典莫此爲急仍走書詣太史

促其成凡館穀筆劄治書銀梓
之費皆君自區畫而民無所與
志成徐君謂予與張中丞皆郡
人宜各有序顧予學識荒陋而
語齒自不容辭乃僭序諸首曰
袁自禹貢歷漢晉唐宋以來郡

邑名稱因革不一肆我

太祖高皇帝肇造區夏混一海宇
乃定為府其領縣有四其疆域
界限千數百里其山川形勝為
江右上游其生於斯若陳重盧
肇鄭谷彭俞輩其仕於斯若韓

愈李德裕祖無擇周惇頤輩輝
映前後具載

英宗睿皇帝大明一統志及郡舊
志似今無誌可也然而

累朝

聖化漸摩神功默運日積月累而

代與人殊是以風俗以漸而隆
戶口以漸而增生息以漸而繁
文章以漸而盛科甲人物名宦
之蜚英騰茂者以漸而日倍於
前今志不脩則其文獻無足徵
矣孔子以夏殷之禮吾能言之

而有祀宋不足徵之嘆然則使
後世以吾郡為無徵而不言焉
是誰之過與徐君於是蓋籌之
熟故畢力其事為矧得太史三
長之筆而成一郡之書宜其事
必核詞必正類例必審闡忠節

於淪謝之餘微怪誕於趨尚之
頃政蹟有裨於治化者存之詩
文不繫於名教者黜之所謂舊
志之繁續編之畧者則無矣是
使吾袁四境之內千數百年之
間之事迹可按籍而知而文獻

不至於無徵其輔於有政者豈
淺淺哉予適際其時獲附名其
間而復託一言以為引抑何幸
與至於徐君崇文教脩武備息
囂訟完坍塌濬壅渠重儲積新
廨宇諸政不朞月間而併集宜

其不勝書也而嚴以書法涉嫌
於見任故未之及將見繼嚴而
有作者詎能遺詎能遺予不佞
末復贅此誠亦有待云耳

正德甲戌季秋之吉

賜進士嘉議大夫都察院右副都

御史前奉

勅提督撫治鄭陽等處地方郡人

劉琬書

重脩袁州府志序

郡有志猶國有史也古者列國皆有
史晉乘楚檮杌魯春秋是也後世作
於朝廷者曰史於四方者曰志

明興四方之志益爛然矣法雖與史異
而疆域見焉土風物產著焉創建詳

袁州府志序

乙

焉食貨兵防祠祀以教寓焉名臣哲
士貞媛之風美列焉而後之曰史者所
采錄又多於此焉按則志於四方固與史
也袁為江右大郡政賦視古侯國所出
才賢文學忠節行誼之士炳靈毓秀
彬彬所萃法宜有志故有志謬紳闥誤

觀者病之歲壬申嵩卷病鈴山大守
姚侯惟寧以書本屬輯志謝不敏不
獲於是稽郡乘觀星野擴探子史傳
記之說網羅金石之文旁聽博聞山氓故
老之談以輔益其事以為志是故首之
圖境土列矣次之表沿革識矣次之創建

食貨諸目官以具矣次之名宦人物觀法
者可考矣又次之文藝古今之制作備矣
既成而諦觀焉復自慙曰是惡之謂志
夫志繁則複簡則遺紊則失序昧則
弗章銜文采則罔實專溢矣則也諛狗
情則曲任已名愚一有于矣則弗公弗之則

無以示遠而垂或夫惟不煩於辭而其
事備也不清於序而其統正也不侈於文
而其體質也不奪浮濛不怵貴勢不比
親暱而予奪必其守嚴也書其美則惡
者戒書其得則失者彰而勅戒之義昭
也夫若是者志之善知文之義知禮
然予何能為竊以勉焉耳矣志凡卷
十四目四十有一姚侯倡之朱幾去今守徐
侯宗獻卒成之振一郡墜典使文於之
徵二侯之功寔為大協贊其生者郡云
守黃君信通判毛君鵬錢君士宜而與
予同事者邦學生歐陽誠云

正德甲戌秋八月次初五

賜進士出身翰林

國史編修介溪嚴嵩撰

秦州府志凡例

一郡前代圖志無可考

國初有舊志又有續編然求之民間亡矣惟成化間訓導陳定所修志僅存其事多譌舛殘缺弗備今爰補訂輯為斯志

一四邑事蹟舊各自為志今皆類附於郡為一志

一志以紀遠示法其錄州土沿革風俗吏治人

凡例

才要皆有微旨弗敢略若夫物貨常產舍宇器物凡目仕官雜貢世常抄取計簿編以為冊使觀者誇以為詳非也今諸制並記其大要以明政教法度之體其細文備儀則弗克贅云

一境內山川不能悉書書其名跡勝者

一戶口貢賦前代錄舊志所存者

本朝錄國初及近歲所上者其不可考者闕焉

一祠廟載祀典者書之寺觀載定額者亦書之
一前代職官名氏舊志已缺不備今博考史傳
并先正文集參驗不差足以傳信者備書之
疑未信者闕焉

一名宦人物必既歿乃書其見存者雖有美績
法不得書俟後續書

一傳人物惟以世代為先後其忠節孝友勲業
文學隱逸卓行並不析類蓋據事直書義

凡例

二

自見云

一事有無所附見而不可遺者類書之為遺事
一詩文識荆建紀遊歷有關郡致者書之私家
記序不書外教碑碣不書

一舊志事有瑣屑文有煩猥不繫郡重輕者並
從刪去

袁州府志目錄

卷之一

建置沿革

郡邑名

分野

形勝

疆域

風俗

山川

卷之二

戶口

土產

貢賦

徭役

目錄

一

卷之三

城池

坊巷

廂隅

鄉都市鎮附

橋梁

津渡附

卷之四

公署

學校

書院社學附

兵衛

郵傳

儲卹

卷之五

壇壝

祠廟

寺觀

丘墓

宮室

古蹟

卷之六

職官

名官

武勳

流寓

卷之七

科第

歲貢 是例入監附

辟舉

吏貢

卷之八

目錄

二

人物

貞節

封贈

仙釋

卷之九

祥異

遺事

卷之十

藝文一 詔令 表 狀

卷之十一

藝文二 雜著

卷之十二